

雪

門

詩

草

雪門詩草卷四

蒿目集

善化許瑤光雪門甫著

甲寅年

廬州從軍詞

卒有從廬州營
歸者爲錄其語

征人有底苦。三年淝水城。江花偃戰場。處處還牽情。笙歌暖鋒鏑。醉殺葡萄觥。戰功愧未立。性命固自輕。夜深征婦月。何事照官營。

驅馬出期門。道逢匪眈者。寶刀躍鞘出。白氣散原野。直中要害地。血濺靴袴赭。死者他旗頭。狼鬬誰寬假。歸來

雪門詩草

卷四

蒿目集

語同隊帳中笑微多。
昨日鹽銀下相期。決一戰。浮雲蔽壘深。堅壁不得面狹。
路采樵徒斬賊乘茲便。摧奔薄賊濠。鼓震山岳顫。回看
都護官斜勒腰下箭。
我輩本無賴。落拓江與湖。躡足行伍間。竊賞饒金珠。身
世賭鋒鏑。金珠何區區。夜闌更燃蠟。倚地博樗蒲。空囊
餘戰塵。火伴急追呼。出營避何處。一騎敵壘隅。軍令不
終肅。軍情難禁輸。

枯楊歎

枯楊偶生華。春風意自得。轉笑松柏姿。孤直少顏色。何人構大厦。誤效棟梁職。亦知勝任難。戀此丹雘飾。丹雘豈不榮。風雨竟傾側。飛飛燕雀儔。休向此間息。

擬曉仙謠

諷京秩紛然乞歸也

瓊仙曉入玉霄宮。攀龍附鳳凌虛空。竊飲丹泉還綠髻。俯爨瑤鼎生方瞳。吹簫巧博玉皇喜。金盤下貺蟠桃紅。璚簡琳書掛名字。須臾意氣參長虹。袖中青詞字字寶。掄揚帝德垂無窮。自謂千秋億萬載。紅羊銷劫天無功。棊星一夕耀芒白。紫庭吹入黃沙色。丹霞紺露不敢餐。

一點凡心歸計逼。舊日桃源花未闌。仍尋漁父將機息。
回頭上盼官府多。寂寞無人香案側。神仙狡獪慣保身。
林密山深安樂國。金童含笑問重來。東海波平桑椹黑。

紀異

上年十月十三日酉刻湖湘雨黑子形如豌豆中黃而潤惟混沌無瓣耳雞食不化多壺死聞江南一帶皆然兒輩拾而留之歸家見異爲紀以詩

祿祥終莫辨。黑子雨紛紛。圓潤差如豆。生成欲問雲。天
田甯有種。雨粟匪虛文。無濺陰陽錯。含滋內外分。人間
驚鶴髮。地面駭雞羣。舊事元書紀。訛言楚語殷。長江兵
鬪格。兩大日氤氲。殺氣干和氣。傳聞豈異聞。不過垂法。

戒○豈○盡○應○妖○氛○拔○木○成○周○室○祥○桑○奮○武○君○古○今○同○揆○節○
朝○野○一○憂○勤○災○異○誰○條○疏○悠○然○對○夕○櫺○

弔儲牧功

二月十二日賊逼甯鄉牧功力戰却之

稱爲猛子敵寇方張遠失壯士
潞帥哭之慟洲人亦哀之深

儲君儒生耳報國勇無憚戰捷轉隕身鴉死明珠破紅
巾未滅失義士督帥淚湧輕裘漣瀉曲從今碧水流渡
河○夜○夜○呼○聲○大○

邨居

邈世知無地○僑居且遠邨○雲山春色早○鄉曲古風存○室

小喧兒女朋稀罷酒尊夜深忘世變蘿月挂當門
變久心翻定山深信總難連城頻破碎無水不波瀾草
長重湖亂花開楚國寒喜聞修戰艦元老獨登壇
兩次停鄉試英材仕進稀年華離亂過生事讀書微水
定知魚隱林深看鶴歸從戎還幾輩姓氏許騰飛
寂靜從吾好交游足野人橫雲長抱嶺獨樹自成春
雨過綠生菜日高黃晒薪不因避烽火那遂此閒身

遇鄭南橋談去年避亂事

赴鄂去長沙移家轉喪家孤身離虎口闔室吮狼牙天

保鄉園土風撓異地花吉凶如轉軸失計不須嗟
投水水中呼尸多水不濡未能裁性命枉自冷肌膚聞
語方痴立回頭被脇驅今朝得生遂轉覺淚沾襦

再談某貴公子避亂事

生平席豐厚寇急想尊榮水驛無我艦全家不出城膏
梁殘骨月烽火尚驕橫粉鏡從容玩淒涼其此情

石馬哀 愍死綏也

二年七月賊由醴陵犯長沙官兵尾其後前途
各邑均倉卒失守文報多遲而偵探之確者謂

賊將至官轉戮其搖衆比醴陵已失乃謀營於城外之石馬鋪各將無敢出者羅文僖曾官陝西與新到陝安鎮總兵福誠金塔寺副將尹培立有舊商請出扎福與尹遂慨然於廿五日營於石馬鋪鉛藥尚未發也廿七夜賊襲營福尹二將俱陣亡敗兵被血走城中乃知賊至始閉南門羅文僖方外勘土城繞西門乃入向使無是軍城亦被襲矣尹尸得於櫟樹下逾旬而面如生後福諡壯武尹諡簡毅

步○出○南○城○見○石○馬○雨○淋○日○炙○碑○亭○下○紫○蘚○斑○斑○戰○血○紅○
騰○驤○頗○似○勤○王○者○旁○有○牧○童○山○下○歌○似○說○前○年○爭○戰○多○
檠○樹○陰○中○雙○將○死○至○今○風○雨○樹○婆○娑○雙○將○爲○誰○福○與○尹○
霜○氣○西○來○健○鷹○隼○初○到○長○沙○卽○陣○亡○魂○望○長○安○應○淚○隕○
秦○雲○慘○淡○楚○雲○橫○承○平○世○久○不○知○兵○賊○鋒○已○過○醴○陵○縣○
大○府○安○民○民○莫○驚○比○到○背○城○君○戰○死○倉○皇○傳○箭○閉○南○城○
閉○城○守○城○城○不○倒○二○將○雖○亡○一○城○保○從○此○湖○湘○據○上○游○
援○鄂○援○江○致○天○討○英○雄○效○命○會○有○時○當○關○信○是○干○城○寶○
莫○將○成○敗○論○功○勲○君○不○見○大○纛○我○我○秋○色○好○全○師○尚○駐○

衡陽道

廬州失守江忠烈公死之感而賦此
吏材強之將長坂驅耕牛將材強之吏伏轅絆驂騶與
失一賢城甯失一方州忠烈馳騁材屢戰奏奇猷一朝
羈守土舉步愁愆尤飛棋著死腹無復望回頭待援援
不至淝水化碧流張巡障淮甸賀蘭不同仇唐室雖再
造茲恨竟千秋

荷錢行

田田新荷葉大如青銅錢薰風識誰鑄散擲溪河邊溪

邊漁子不敢弄赤手歸來明月天明月團團美清夜如
壁如盤光四射蒼天憐我療我貧依舊傾家無酒價牽
牛不負軛天駟空駢駢白榆厯厯仙人種長年不見榆
錢飛搔首茅檐空太息量沙畫餅誰是非

飛螢怨

時有鄉民私集義勇意在投營羣疑不軌因而
罹法時事艱難固不可不慎也

飛○螢○不○自○量○深○夜○欲○助○明○月○光○主○人○懷○疑○認○狐○火○草○際○
可○憐○將○汝○傷○自○古○覆○盆○白○日○少○枯○楊○蕭○瑟○愁○人○腸○愁○人○

腸○不○可○道○干○戈○滿○地○誰○能○保○不○如○歸○去○深○山○林○屈○蘄○藏○
蛇○多○壽○考○微○軀○粒○米○爾○何○求○短○箒○叢○蘆○秋○露○早○胡○爲○乎○
陰○風○慘○淡○削○地○來○坐○使○冤○憐○悲○白○草○

水軍哀

自四月初三克復湘潭七月十二水師進發閩
七月初二復岳州初三逆船自城陵磯上犯各
水師合戰敗之連日皆勝十六日山東登州鎮
陳輝龍順乘南風擊賊於螺磯不能收隊陳鎮
暨游擊沙鎮邦陣亡即用道褚汝航同知夏鑾

駛船往救亦陷賊中

賊船從北來。官軍自南擊。火毬已中賊前鋒。南風忽利
歸不及飛。廉信是濟惡。臣陷我忠良。三兩人白波。茫茫
杳無極。君山斑竹淚痕新。乃知水戰不與陸戰同。捩柁
還營喜逆風。

水軍詠

江波催戰檠。去去不得留。前船方撥棹。後船檣催修。船
中健兒好身手。以槳擊賊如飛猱。沈沈巨艦壓鼉窟。戢
戢小舟隨輕鷗。連珠礮發敵膽落。水府無地藏蛟虯。仁

見○澄○江○右○卽○看○收○石○頭○瓦○棺○休○恃○黃○花○水○三○楚○從○來○踞○
上○游○

江○風○吹○面○紫○如○鐵○江○日○燦○肌○肌○碎○裂○焚○舟○殺○賊○移○營○前○
銅○刀○日○煮○波○間○血○輕○撓○逆○擊○怒○濤○開○誓○與○毒○龍○要○一○決○
鎮○船○鐵○砲○如○有○神○轟○敵○一○中○每○跳○掣○可○惜○炎○天○水○沸○湯○
江○堤○無○處○覓○垂○楊○沙○場○自○古○愁○冰○雪○江○漢○如○今○畏○秋○陽○
秋○陽○雖○烈○誰○敢○怒○督○師○亦○在○官○航○住○砲○擊○敵○得○中○恒○跳○
老○農○歎○
軍○中○謂○之○砲○歡○喜○

驅○犢○下○山○來○老○農○倚○門○歎○新○穀○已○登○場○舊○穀○糶○未○半○湖○

州餘米向來多。陳陳紅腐奈爾何。年豐穀賤干戈阻。悔不佩刀空插禾。

遊官山寺三首

境僻登臨少。官山小寺開。入門風露冷。遍地長青苔。老衲燒茶至。松花落瓦杯。自言荒遠地。問客爲誰來。寺外多杉櫟。秋風斫短枝。樵夫荷柴返。山下夕陽時。暝色蒼然合。翩翩歸鳥知。獨有空潭裏。閒雲影未移。尋幽迷去路。逕小石橫斜。緩步待秋月。不知身到家。柴門墜黃葉。和露上輕紗。回首碧山杳。疏鐘送晚霞。

乙卯年

戰船詠

長江旣失智文正修戰船以興水師癸丑經其
始甲寅獲其効至乙卯正月挫於九江外江與
內江隔而水師遂有內外之分矣作戰船詠

五溪蠻雲玉斧開。湘江流梯擁注迴。梓慶般輪鬪精巧。
潯蛟磯怪驚疑猜。大者拖罟小快舩。長龍遊曳波濤駭。
其間舳板更輕迅。梅花海鶴同模楷。八槳凌波赤馬馳。
雙砲壓船船不知。水犀就隊聽麾指。令肅昭潭龍窟移。

唐李齊雲何足數。常侍火舫非吾師。此皆橫流似奔電。

一洗江旬清瘡痍。自從去年秋風起。

甲寅七月十二水師由長沙進攻岳

州閏七月初二復其城

初掃巴陵趨漢水。武昌旣復。

八月廿三日復武昌漢陽

黃州平。楚望烽烟銷暮紫。田家鎮是下江關。賊壘雲屯半壁山。鐵鎖橫江拚死守。岸頭鐵柱鉏重環。游魚潛波不得進。江豚拜浪來復還。我軍力戰麾船進。斬關縱火風濤震。馮伯陽侯各効靈。虜船千萬俱灰燼。慘咽人聲聽落潮。謹呼軍氣仍堅陣。

十月初十克復田鎮

陸師大捷南岸通。

水軍遂薄江州郡。洞庭旣肅彭蠡清。指日淮陽收重鎮。

那知彭蠡春風狂。蕪城火箭燒餘皇。內外昨聞江路隔。
一條銀漢變紅牆。天棊弧矢幾時見。河鼓參旗望杳茫。
勝負軍興古來有。船上健兒休蹙首。蜚霧曾迷涿野師。
東風卒逐阿瞞走。朝宗清晏會有期。夜夜天船濟南斗。

聞景州連鎮大捷

正月初九僧王報捷時高唐餘氛南寧荏平賊勢已窮蹙矣

自擾河流北。羈誅已二年。臨洛開管鑰。緩甸通烽烟。妖
鳥終投網。飛蛾敢撲天。春風馳奏捷。一夜達甘泉。
犄角高唐勢。昨聞稍潰圍。援窮知膽破。鼠竄欲南歸。禁
旅今乘勝。游氛何處飛。燎原衰草燄。撲滅荷天威。

北○紀○烽○垂○息○南○疆○虜○尚○橫○江○淮○懸○賦○額○郢○鄂○失○名○城○收○
復○需○全○力○戢○憂○啟○聖○情○安○危○天○下○計○何○日○武○功○成○

鄂雲愁

正月初五水師敗於九江江北廣泰復失督師
楊由黃州退漢陽不復渡江保鄂以防北竄爲
詞又退德安山西撥餉陝西撥兵均經截去武
昌勢孤二月十七日城陷巡撫陶恩培投水死
武昌太守多山巷戰死
吁○嗟○乎○鄂○渚○頽○雲○頽○不○流○陰○風○怒○吼○天○人○愁○去○年○季○夏○

冷赤日○初三月○今年春仲翻蛟蚪○豈無熊虎下游捭蜺旌○
潦倒離黃州○義勇萬人空擁路○藩籬撤盡江北頭○頃刻
霞○燒○半○天○赤○晴○川○烽○照○黃○鶴○樓○仙○人○遠○去○朝○北○斗○武○昌○
撩○亂○新○楊○柳○鯨○波○一○夜○對○江○迴○陶○侃○無○權○空○死○守○米○船○
已○被○他○人○留○銅○符○調○得○援○兵○否○海○倒○江○傾○莫○奈○何○君○恩○
未○報○空○回○首○碧○草○芊○綿○血○暈○新○江○花○二○月○不○成○春○同○時○
巷○戰○多○太○守○千○古○琤○琤○鐵○嶺○人○

健將詠

武昌旣陷陶文節殉焉是日黃昏副將王國才

復麾兵入城斬殺無算及天明援軍不至乃開
南門整隊而出城卒陷

武昌城中有健將鼻息鼓吸開江浪金蛇掣電鎗法急
狂虜退避精魂喪鵬雲折翼陶侃死君來救援城陷矣
孤軍陷入黃昏時鶴突殺賊賊不知明月當天劍光碧
腥風慘淡紅濕衣春宵鏖戰苦易曉收還重鎮明星移
黃鶴樓頭看日出準擬諸將相追隨眼穿不見片帆至
水軍倒向荊口馳對江賊偵知我寡狐渡蟻附仍登陴
收隊出城豈得已功成唾手旋失之歸來大營見主帥

淚痕和血流雙頤

聽畢涪齋彈琴

別君五載烽烟多憶君西湖明月波見君故山各驚歎
聽君琴軫聲溫和落霞遊曳度松嶺閒雲寂歷橫岩阿
歲月羲皇儼如昨那知塵世還坎坷人生感物異歡戚
心平隨感無偏頗憶昔浙東上虞邑鳳鳴山畔飛泉梭
紫藤翠篠不知歲中有碧雞鳴泉窩土人謂非絲非桐
了莫辨冷然兩耳清風過是時四明亦有警而我到此
忘憂疴泉流禽語今何處夢魂夜夜飛烟蘿山水清音

口難喻聽君一曲爲君歌薰風螳螂向槐柯江潭魚龍
愁網羅携壺今日伴君醉醉倚琴卧抛金螺

賀聘臣同年由樊山避地來湘見贈奉答

已覆潯陽水上軍復傳黃鶴掩妖雲長江戰事方愁我
湘上僑居却到君故國田園春草蔓異鄉風雨落花聞
高歌白雪還哀郢慘淡離愁對夕曛
晴川閣下問梅花冷蕊寒香薄宦家玉笛正酣樓上月
銀山竟陷水中沙春歸絳幄悲鳴鳩江瑣青烽撲暮鴉
惆悵鄂雲開復合三年銅馬慣生涯

淹留休憶武昌魚。水碧沙明且卜居。紫燕定巢春社後。
綠楊飄絮洞庭餘。商量身世看長劍。悵望關河恨羽書。
攜手麓峯指吳會。愁雲深處六朝墟。
蒼茫宦海盡迷津。梓里言旋是棘人。兵後故交多散佚。
官卑世態少相親。逢君且話西湖月。序齒難忘貢樹春。
他日捲書歸棹去。却憐元八失比鄰。

顧復齋僑寓鄂城壬子冬城陷其室人羅投井死

室中女君子四人均殉難索詩紀事

江城鐵笛穿雲裂。萬樹梅花冒妖雪。梅花側挺女貞枝。

可憐夜被繁霜折。一枝高折四枝隨。鐵質冰心萬古悲。
冽井泉清定誰汲。柔腸挽斷轆轤絲。轆轤宛轉情難道。
五溪猶憶仙雲好。羅辰州人仙雲深護西山書。離女文明畫
卦餘。那知甲冑戈兵象。鼓缶焚如竟突如。烽烟滿宙烏
誰屋。尋得桃源問黃鵠。黃鵠磯頭妖鳥多。釀成鳳靡與
鸞吡。青萍血沈雙珠掌。綵索魂歸百結羅。惟有女嬃情
更烈。懷沙竟讀屈原歌。人生蜉寄浮漚裏。輕或鴻毛重
山峙。玉碎終難望瓦全。蓮花肯受汚泥滓。千古文恬與
武嬉。貽誤只緣珍一死。我欲懷清高築臺。漢江尤霧不

曾開爲寫一門清烈。槩陽阿薤露。郢聲哀。

李力帆舍飲佛臍茶

細雨花殘芍藥天。主人燒竹試新泉。佛臍捫得茶香古。
知是唐年是晉年。十年曾讀鼠銜書。今日還添佛慧無。彈指清明春又去。
睡餘茶夢影模糊。

題東坡讀書圖

人生讀書喜穿鑿。數墨尋行道相望。豪氣一洗儒生酸。
惟有先生磨綺障。牙籤玉軸陳陳跡耳。茫茫烟海空惆悵。

我生類蠹食神仙。好古終朝將古餉。昨歲西湖作宦游。
卷帙長拋抗塵狀。六橋拜謁文忠祠。紫髯蕭散西風帳。
滄海蜉蝣變古今。先生依舊書生樣。堯宥臯殺想當然。
羌無故實懷公曠。讀書更不受書愚。經術誤人復誰謗。
君不見周官法變青苗錢。太息當年神廟前。

詠園中草木

楊柳

憶昔辭家時。柳枝如我長。別來五春風。青雲不可量。層
陰填星角。曲室生微涼。植物有如此。感之惜流光。黃鸝

詞目集
繞枝語勸我進一觴。霏霏昨日絮，撲地今成霜。青陽那
可負，一醉聊自償。

海棠

春風吹春雲，片片落此枝。老樹生嬌花，未開已多姿。出
手不忍摘，蜂蝶撩相欺。蜂蝶夜來散，黃月光迷離。及此
芳菲夕，秉燭成幽嬉。看花總虛幻，惜花轉成痴。美人期
不來，閒園白露滋。

薔薇

薔薇晚春花，繁艷破烟碧。含笑鹿籬間，嫣然媚心魄。妖

顏結主知。顏不矜。品格紫刺傷手多。兒童慣晨摘。年來
我欲刪。又爲韶光惜。尤物能移人。俯仰悵今昔。

山茶

凡花易開落。山茶殊不然。耐久鬪霜雪。艱難胎隔年。南
中牡丹貴。此足增春妍。祇以姿態少。東風無人憐。粗枝
與大葉。落落山霞天。嗟彼柔媚色。遜茲心性堅。

忍冬

柔條風不折。翠葉霜不槁。三月作幽花。濃香沁詩腦。縈
縈籬落間。依傍得不倒。雖有耐寒姿。毋乃攀援巧。日夕

折花歸金銀滿懷抱

櫻桃

城南馬家園林亭足烟樹。一自兵火焚羣芳埋毒霧。憔悴櫻桃花殘枝已僵。仆兒輩負以歸栽我讀書處。欣欣喜再生密葉青雲布。開窗笑春風淡碧花如故。歷變全年枯樹何須賦。

蘭

種竹望新筍。種蘭愛新芽。四月梅雨過。閭閻生意賒。紅尖啄苔破。脫淨汙泥沙。新葉漸萐茂。舊葉殊髣髴。物類

有代謝吾生豈無涯。徒倚芳砌側。薰風看奇葩。

石榴

忽見榴花明。悵然朱夏改。熱艷漸偏人。幽芳竟何在。重
重綠樹波中盪。珊瑚海爲我招薰風。今已十餘載。相別
復相看。炎曦驚異采。秋來不出門。芳實爲君待。

茶蘼

香風何處來。午榻酒初醒。那知茶蘼花。晚信爭春盡。微
雨恰初晴。倏忽羣芳隕。朝華悔先凋。纖蕤安後挺。共荷
東皇榮。遲暮心偏忍。誰其振餘芳。林泉領空引。

白桃

天桃春風開。特色將春笑。紅顏往往然。世塗猶重貌。我種冰雪花。冷澹人不要。香清招蝶遲。意定息蜂鬧。誰顧絕俗姿。青春出年少。芳庭悄無言。仰首明月照。

木芙蓉

去年種芙蓉。秋來竟花發。今年更茂密。綠玉裁根葉。人喜晚節佳。我愛生機捷。短牆三四枝。隨意翠雲疊。名花苦栽培。悅目亦交睫。何如易生者。朝種暮栖蝶。

蠟梅

梅花似高士。蠟梅似黃冠。鍊骨成金色。那畏冰雪攢。園中素心者。老枝蒼蚪盤。持鋤掘旁蘖。分種期族寬。根香沁土烈。十日留指端。本性有如此。敷榮甯不然。

畢小菴從戎崇陽以功授縣令入都送行

一麾淨掃崇山霧。論伐銓官將北去。不羨君膺墨綬榮。羨君保障家鄉固。崇山雲接岳山雲。餘氣綴我巴陵軍。大軍東下難返旆。小醜跳梁多狡獪。長沙東北少藩籬。么麼未翦終貽害。鞭揮駿馬曉搜山。黃腰墜羿形狼狽。旁邑通山與通城。荏苒一洗天日晶。父老咨嗟使君勇。

欲留健令靜。枹鳴此時。軍政正旁午。黃札除官多。外補
甯朔營中領。行選鎮西板。宦從民舉。酬庸破格。古今同
而君掉頭色。然拒自古。男兒恥沈浮。神鷹豈肯入人鞴。
別有良謀不能用。青天萬里惟吾投。好雲離岫他鄉雨。
明月臨霄異地秋。檢點行囊。暮春後。薊門路遠風日悠。
桃花自卜河陽種。斑竹難禁湘上愁。鼙鼓中原猶未息。
藏鋒休露舊吳鉤。

端午

紅榴帶雨放端陽。故事猶傳角糴香。漸少飛鳧誇競渡。

只聞躡柳辦軍裝。閨中符索防兵贈。江上風波鑄鏡忙。
世亂未平佳節過。閒烹翠釜浴蘭湯。
憶昔湘城士女遊。蜀葵花紫綴銀頭。衣香東部臨荷沼。
人影西隅渡橘洲。鐵佛林深槐日永。金剛苑鎖竹風秋。
不緣兵燹琳宮盡。銷夏能來飲一甌。
青蒲碧艾又年年。暑雨連綿楚塞懸。雲護蛟龍翻水窟。
風侵羅葛冷江天。烹臯無術求金彈。奪錦何心上綵船。
一笛梅花消歲月。自慙憂國讓人賢。

出部

兵符未靖世艱難。附郭烟塵只暫安。蒿磔幾家尋舊址。
茅茨暫日蔽秋寒。驚心鄂渚詢來楫。愁見柳雲走去鞍。
時樂_臣蕭瑟陶公祠下路。卧鐘孤樹夕陽殘。

爲陣亡軍士作

曾披獸鎧救嚴親。爲保金湯竟隕身。一樣髫年識忠孝。
湘山杜宇叫青春。蔡公墳下草髣髴。化碧流丹血暈酣。
讀罷青蓮諸樂府。傷心一曲戰城南。

驟雨

山○白○雲○昏○驟○雨○傾○江○鳴○水○急○一○舟○橫○吳○天○黯○淡○迷○飛○鳥○
楚○寒○蒼○茫○辨○客○程○已○見○青○楓○綠○岸○亞○卽○看○黃○沫○擁○沙○行○
舵○逢○兀○立○涼○颼○撼○濕○濕○透○征○袍○句○始○成○

上閘歌

溪○風○吹○斷○篙○師○歌○灘○高○水○急○將○奈○何○畫○槳○蘭○橈○進○復○却○
可○憐○橫○閘○生○白○波○波○濤○處○處○阻○行○客○人○到○江○湖○頭○易○白○
鷺○立○蘆○花○秋○雪○飛○古○戍○寒○雲○天○又○夕○

過萍鄉山

重○踐○西○湖○約○江○淮○道○未○通○天○誅○羈○粵○賊○客○路○繞○吳○東○盤○

折溪山險艱難日夜同坐看秋色老霜滿豫章楓

蜀商

舊業應難舍時危尚遠遊關河艱繞道巴蜀到經秋似
我羈微祿因渠倍旅愁君平如可識爲卜世沈浮

望宜春城

灘迎灘送往來頻閱盡驚濤險後身兩岸青山背船去
雲螺雙擁古宜春

絕句

碧靄遙山混紅雲落日生晚風船欲繫隔岸桂花明

藤蘿留古豔。杉櫟識新栽。絕壁何年鑿。浮雲撥不開。
江霧漁燈隱。灘風客夢涼。寥寥聞犬吠。遠岸有村莊。
灘石剝落青。水苔搖曳綠。清淺照詩眉。秋日袁江曲。
蘆穗淺紅綿。江澄碧玉天。纖鱗不食餌。閑然釣漁船。
布衾秋夜長。寒覺五更霜。無限江頭樹。朝來幾葉黃。

逢人

西風吹楚客。東涉袁江水。逢人問潯陽。官軍近何似。
鄰船歸遇潯陽兵。停橈知我楚人聲。却道長沙舊桑梓。
關心兩粵邊防驚。衡岳妖氛吹不斷。飛芻誰繼南康營。
紅

霞○漲○海○天○豈○醉○碧○月○沈○水○江○又○吞○黃○昏○飛○鳥○去○無○極○范○
范○烽○火○愁○家○室○各○倚○船○窗○相○太○息○

雨歇

舟○中○五○更○聞○暴○雨○溪○風○亂○擾○舟○人○語○雨○歇○風○收○天○欲○明○
烏○雲○漏○鱗○星○晶○晶○汀○蘆○渚○荻○秋○潮○長○卧○聽○舟○師○解○纜○聲○

昌山難

夾○岸○秋○山○曉○翠○寒○宜○春○江○上○衿○衣○單○西○風○無○恙○篙○師○喜○
紅○樹○將○迎○客○下○灘○
小○立○僧○雛○碧○水○濱○頽○巖○構○宇○賽○江○神○未○知○平○得○風○波○否○

無○限○燒○香○伐○鼓○人○

臨江夜泊

灘○平○水○碧○袁○江○盡○微○雨○西○風○已○暗○天○官○渡○寂○寥○津○吏○去○
柳○椿○人○繫○夜○來○船○

吳艤

青○蓬○白○榜○木○蘭○艤○南○浦○風○煙○冷○畫○窗○莫○問○吳○東○行○李○事○
三○年○不○敢○出○潯○江○

初雁

紫○塞○沙○平○足○長○生○鵬○雲○作○底○又○南○征○也○知○吳○楚○紛○縈○繳○

雪門詩草

卷四

尚爲江湖續舊盟。碧莢連年秋雨足。紅霞一路暮天晴。
干戈我亦携雛出。薄宦驅人似不情。

守風豫章

大風不掃西山雲。枉卷狂濤震彭澤。長沙遊子心膽粗。
挂席欲盼江波白。榜人持重莫肯前。連日繫住深潭烟。
昨宵西山毒龍吼。噴沙穿石聲更顛。關心浙瀝鳧汀雨。
恐助波潮溢。溢浦溢浦樓船烟。岸橫蓼花紅。濕蘆花舞。
莫遣秋聲鼓角連。怕有征衫悲戍苦。

泊鄱陽湖心

烏篷載雨過鄱陽。湖樹湖雲望渺茫。傍晚風濤迷去岸。
輕舟留住水中央。

買魚沽酒餉篙師。吩咐同舟著力持。帆峭浪高行不得。
自關風信匪人爲。

戢戢青蘆萬葉聲。吳天黯淡濕雲行。鄰船亦有長征客。
如此風波問幾程。

非鳬非雁亦非鳥。帶雨橫舟啞啞呼。鄉夢未成風正急。
又添秋思滿江湖。

重陽

安仁道
中作

辭家一月見重陽。水驛迢迢野菊香。白雁乍衝彭澤雨。
丹楓應老洞庭霜。風高江上征帆迅。酒醒天涯客路長。
莫道登臨無處所。東南半壁自秋光。

九月初十日作

昨日重陽不成醉。今日西風還有情。檣烏懸空日皎皎。
江雁橫塞天晶晶。待我杭城定霜菊。懷人楚水貽香橙。
秋心易老詩心健。更買花糕題子京。

鷹潭

野店向江開。江隄石級迴。估帆兩三泊。疏柳淺深栽。春

日曾兵燹秋沽便酒杯誰家夕陽館依舊好樓臺

貴溪望仙人橋

西風有定信。西江無定流。川原助屈曲。終日屢迴舟。極
盼愜幽賞。萬象涵清秋。石橋跨巖壁。仙人爲誰修。上有
紫花蘚。下有碧玉溝。客子不曾躡。白雲來悠悠。清風吹
我心。飄然隨雲遊。

暮色

一片虛明象。紅霞照水西。晚風吹浪細。初月出雲低。鄰
舫誰簫笛。江船自鼓鼙。秋天饒暮色。世變莫含悽。

朝晴

凍雨五更灑。朝來江更晴。
灘蘆團水潤。嶺樹帶雲明。
村落散黃犢。江城飄翠旌。
玉梁和碧麥。刈種各營營。

夜深

月出溪山朗。秋深宙合清。
征人趁途急。深夜尙舟行。
岸樹高低影。漁歌遠近聲。
但知風力順。莫問泊何程。

到日

桂香風裏出。長沙枉度重陽雲。
水涯到日杭城秋色老。
小春紅蕊看梅花。

秋暮

春去畏兼秋。秋深轉欲留。青林似花葉。休便下枝頭。

舟中夜起

夜半呼燈起。鄉心難自持。灘泉驚客醒。明月怪人痴。獨坐秋偏爽。孤吟冷不知。朝沽桑落酒。更剩幾金卮。

九月十五獅江翫月

秋色東南在。霜寒月不寒。吳天依舊照。江夜幾人看。岸浸林楓黑。雲飄老桂丹。虛光何晃漾。舟泊近谿灘。

見雁有感

飛○到○衡○雲○更○不○飛○灣○灣○湘○水○伴○晴○暉○那○關○五○嶺○陽○和○少○
瘴○草○蠻○花○事○總○非○

玉山道中

紅○霞○紅○葉○玉○山○秋○客○泝○西○江○欲○盡○頭○碎○石○磨○舟○終○日○響○
層○樓○傍○水○昔○年○遊○重○來○城○闕○浮○雲○變○回○望○鄉○關○暮○藹○收○
過○此○清○波○與○潮○接○錢○塘○盡○處○是○杭○州○

常山曉發

曉○霞○如○赤○鳳○飛○出○海○東○頭○客○子○侵○晨○發○仍○爲○浙○水○游○湖○
清○應○繞○邵○濤○白○正○宜○秋○一○路○寒○潭○碧○蘆○花○迓○客○舟○

僑居吳山西麓

初居吳山東開門面江淞。昨移山之西。坐對錢湖曲。湖
中雙峯白雲多。好風吹落簷下宿。簷前紅梅花。霜孕香
心足。凌晨數蕊開。似賀新居縛。天涯僑寓誰與親。一樹
梅花是主人。朝來暝酒閉門坐。獨對寒梅數夕晨。

丙辰年

視事常山閱視曹城有感

前令李君守常山。西北築城作關隘。掘土累累白骨多。
知是何年爭戰地。溪深山僻風雨危。去年城築今年頽。

可憐城頽信又警武營移文促修整不惜修我城亦須
練爾兵古來地利宜人守今日屯兵空復名定陽三里
灘前月鼓聲難敵管絃聲

書常山軍事

警報從西至官兵早向東將軍防後策壯士曳兵雄息
鼓窺灘月歸旗盼順風笑他臨陣退轉覺失從容
謂敵旁抄慣宜嚴小徑防紛紛屯野谷寂寂任康莊擁
住民房暝空支布帳涼山人休放獵無使夜軍惶
舊軍長不練又復募新軍肴饌譙樓月笙歌野戍雲長

年○支○坐○餉○無○志○奪○奇○勲○三○里○灘○前○樹○頻○來○寶○馬○勤○
頭○銜○飄○孔○翠○細○認○是○商○人○海○運○連○年○富○軍○容○此○日○新○居○
奇○同○搏○戰○握○算○亦○經○綸○十○二○牛○空○槁○弦○高○非○我○倫○
出○身○難○論○將○當○道○一○青○衣○大○事○商○奴○隸○親○兵○聽○指○揮○帷○
房○傳○令○密○花○柳○出○郊○園○寵○絕○諸○軍○寇○寒○鳴○學○隼○飛○
畫○舫○圍○紅○袖○殷○勤○唱○大○隄○拖○船○勞○部○曲○敞○宴○犒○偏○裨○虎○
領○情○無○那○蛾○眉○氣○易○低○醉○歸○誰○禁○夜○遮○莫○五○更○難○
挽○羅○忠○節○

忠節平生講學紹宗閩洛倡率生徒轉戰吳楚

克城二十經戰二百由訓導擢甯紹道茲攻武昌賓陽門於三月初二追賊砲傷左額初八日薨於軍

援江援鄂表奇勲太息蘿山子弟軍藹藹詩書擐甲胄蒼蒼岳瀆起風雲羣期召虎清淮浦豈料岡龍斷漢濱猶有生徒饒將畧他年應報掃妖氛

與郭筠仙太史夜話

筠仙爲滌帥來浙問餉不獲歸營過此流連者數日

曾帥奇師救豫章旋同忠烈江茗樵戰潯陽茲來東浙愁滄海詎爲西湖訪綠楊借餉未通吳楚隔看山且去

水○雲○涼○琅○玕○腹○裏○珠○韜○滿○贈○我○新○詩○吐○劍○鋌○

紀事

金陵大營仰資浙餉浙無勁旅有警則乞援於
向帥撫建既失衢防告嚴金陵方撥兵來而三
月廿八甯國失守乃改援赴甯東馳西折奔走
既勞左撥右抽中軍遂薄至五月而七甕橋之
大營潰矣

正備三衢鄰析驚忽傳甯國失名城尋常浙地頻輸餉
倉卒金陵許借兵畫舫漿迴嚴瀨雨花驄塵撲雪溪晴

可憐勁旅頻抽撥愁煞江南七薨營

挽江蘇巡撫幫辦軍務吉勇烈公

勇烈在營夜常不寐平上海廣匪屢戰有功既
受幫辦軍務任謂攻堅不如斷糧野戰不如扼
要四月檄候補道江甯知府劉存厚結營於高
資烟墩山賊悉銳來圍知縣松壽鹽知事張翊
國戰死公遂率親兵馳救方衝入營而賊衆四
合中砲陣亡存厚欲翼尸出不克戰死後軍士
以馬駝勇烈尸衝出京口副都統綑濶已戰出

哭曰吾與吉公偕入吉公死何忍生亦投江死
吉帥雄心斷賊糧高資要隘結銅梁功雖不就丹霄炳
尸竟能歸駿馬良開府何人曾血戰從官幾輩盡剛腸
連朝梅雨天舍淚京口波濤萬古香

挽 欽差大臣湖北提督向忠武公

忠武字欣然蜀人從楊忠武擒張格爾有功由
固原調廣西提督追賊至湖北受 欽差大臣
關防至金陵逼城而營爲蘇常障蔽本年五月
營潰退丹陽以七月薨於軍遺事囑江南提督

張國梁主之已而 朝命江甯將軍和春接統

其軍

障○蔽○蘇○常○已○四○年○丹○陽○星○隕○早○秋○天○曾○擒○瀚○海○生○酋○出○
回○望○巴○川○故○國○懸○百○粵○偏○師○愁○瘴○癘○長○江○專○閫○恨○烽○烟○
國○恩○未○報○臨○終○呼○仗○爾○桓○侯○力○幹○旋○

白龍洞謝降自朝

昨○日○禱○雨○白○龍○洞○露○夜○焚○香○天○未○曙○今○日○得○雨○謝○山○靈○
瞳○瞳○紅○日○在○高○樹○求○何○來○早○謝○何○遲○世○情○衰○薄○神○所○嗤○
雷○公○欲○怒○電○母○笑○太○空○冥○冥○如○無○知○我○操○豚○蹄○聊○自○饑○

千古官場慵散慣。神龍垂角試聽之一人莫挽衆僚晏。
酣歌恒舞舊成風。披月戴星翻致訕。交階交戶愧前賢。
詩成浹背雨淋汗。

廣信解圍紀事

頻年戰事紛紛爭。鄉兵義勇無定名。頻年蟻賊洶洶起。
水。蠅。山。狐。難。確。指。卽。如。廣。信。昨。被。圍。逆。踪。飄。瞥。甯。都。來。
或云閩疆小刀之遺孽。或云吉水邊錢之渠魁。其實桂
林老巢有伏莽。東走會赴金陵隈。我獲逆書識情狀。不
似郢說令人猜。若乃危城似卵欲剖。竟不剖。羣頌文忠。

林○少○穆○之○塔○沈○太○守○文○章○經○濟○得○真○傳○皦○日○堅○金○締○良○
偶○吏○民○駭○散○僮○媼○逃○百○雉○崔○嵬○中○兩○口○撫○州○建○昌○正○會○
圍○那○有○偏○師○扼○旁○走○沈○思○定○計○乞○浙○援○一○函○書○達○同○鄉○
友○衢○鎮○饒○君○福○海○人○斯○時○虎○旅○玉○山○屯○外○貌○頎○長○實○內○
荏○寶○馬○長○戀○城○草○春○今春撫建信緊饒駐常奈何昔怯
變○今○勇○賴○有○虎○將○二○人○來○衛○擁○一○將○畢○君○名定邦字康侯山東籍年
廿○餘○後○陣○玉○樹○堅○一○將○賴○君○名高翔漳州人猿臂聲備
也○謚○愍○烈○主○帥○安○大○厦○原○需○衆○材○拱○荷○花○時○節○共○杯○盤○酒○
禪○得○力○
間○咳○唾○威○霜○涌○果○然○三○捷○掃○妖○氛○保○全○鐵○壁○銅○牆○鞏○圍○

解中秋月正圓。星使獅江回去船。時廉樹峯侍郎正按口解圍後。衡文筆。奏捷書。武試苑。桂蕊撲弓弦。太守遣兵迎。入。夫人啟妝篋。銀簪金釧輸犒錢。漳兵詔勇謹。然笑羣道維桑氣。誼堅我間捷。信轉太息私。念忠節。能格天天意。果何如。細爲君家述。八月初七貴溪失。五秀才兵俱失律。貴溪有五秀才之兵乃石景芬所團集一屈秀才躍馬殺賊陣亡餘秀才乃潰惜忌其名。超過弋陽只二程。玉山啟行亦是日。若非大雨沛。滂沱師行陸路里三十天。遣波臣助肅神。沙溪下駛行舟疾。虎旅乘流賊阻雨。制勝兵家判。勞逸入城飽。食出城迎。是役奇。

功○爭○半○刻○岳○瀆○公○侯○思○效○靈○西○江○秋○樹○青○更○青○長○歌○聊○
備○中○興○史○始○信○河○水○之○說○非○不○經○

六兄力裳至常山

禮○部○三○經○試○年○華○四○十○餘○家○貧○資○祿○精○志○決○棄○詩○書○雪○
警○鄱○湖○雁○霜○烹○定○水○魚○干○戈○天○地○滿○筮○仕○費○踟○躕○

塔山試士

官○軍○屯○考○舍○試○士○塔○山○巔○燒○燭○疑○參○佛○携○詩○好○問○天○風○
簷○長○至○短○凍○硯○薄○水○堅○僻○地○人○知○禮○衣○冠○却○整○全○

丁巳年

立春過屏山寺軍裝所訪王柳橋率成

蒼翠屏山縣署東。古樟圍寺小牆紅。詩人日對維摩坐。不覺春光到客中。

獸鎧蛇槍此地藏。從戎浙水耀軍裝。東風已解河灘凍。不解刀矛背上霜。

戎機閒暇小詩成。險覓狂搜慷慨情。桃樹未花梅已瘦。一簾微雨潤棋枰。

雷封我已近瓜期。留別難忘舊雨思。幾日西泠橋畔酒。繞船烟柳醉君時。

贈草坪尉方荔汀

名兆沅
崑山人

常山西去玉山東。翠藹蒼霞絕徑通。此地宦遊真吏隱。
五年羈滯却兵戎。風塵未定青琴懶。詩酒難消白劍雄。
一片賢良峯上月。清光曾滿太湖中。
野店門前午飯香。三吳百貨往來場。一從逆燄橫江右。
漸覺炊烟杳道傍。通塞河山關國脈。稽巡星月爲邊防。
分符我乍居東浙。花棒憑君借保障。
記得紅榴欲破花。高齋小憩脫輕紗。青山導我頻經路。
綠柳圍君早放衙。滿架藏書搜曲譜。一池新稻似田家。

時危尚有微官樂。梅尉何嫌俸未奢。
三衢相見恰經年。又向東風敞別筵。細雨梅花江畔路。
輕寒楊柳渡頭天。翩翩去鳥青雲澗。瑟瑟離歌翠袖憐。
莫聽灘聲咽危石。強君同醉卧春船。

留別定陽

西江連歲擾狼烟。廣信秋園恰去年。敢畏繁難思退步。
却令匆促颺迴鞭。吏情早被梅花笑。別夢還憑柳色牽。
吳越上游山水窟。囊琴欲走更纏綿。
年來宦况似冰寒。自指頭銜向月看。撫字未能蒙上賞。

瘡痕何日報平安。雲連黃嶽喧征鼓。路出彭湖走戰鞍。吩咐義民同保障。莫嫌供億費盤餐。

回首西湖正好春。六橋楊柳趁開身。畫船倚岸應招我。麴院流醪也醉人。簿領暫拋長二月。余昔桐廬漕安鶯俱以二月卸篆

花相伴。且經旬。賢良峯下拳拳石。恥載江頭說宦貧。

多謝諸公代挽留。鈴轅遠叩赴杭州。愧無桃李遺潘令。辜負兒童迓細侯。東浙輕雲隨客散。西峰明月爲誰秋。白龍洞裏如相憶。他日重尋舊雨遊。

桐江夜泊

千山橫瑣子陵臺。暮入桐江江岸開。微月燈昏船倚岸。
無人知是故侯來。
呼僮籠燭傍洲行。一一江航問姓名。舊識翠娥今在否。
烟簫雲笛不分明。

春泛浣溪

溪草披柔綠。山花發烈紅。我來正三月。萬萼各春風。
好鳥掠船過。飛鳴如自雄。浣紗人不見。江上霧濛濛。

登諸暨署樓

楊柳春風繞縣隄。危樓高眺與雲齊。南來浣水通滄海。

東去長山入會稽。霸業已難追。越絕美人何處訪，村西
祇今鄣外桃花好。細雨如煙，鷓鴣鳥啼。

得力常兄京都書

家兄寄我京都信。爲道京都百貨昂。祇有銅捐得官易。
更兼鐵鈔是錢荒。江淮未靖供輸絀。燕冀無年積糧傷。
深賴司農籌畫密。不愁皖彼悵牛箱。

五指山

雲開五指欲摩天。秋雨初晴認儼然。岩上仙人招我近。
此身如落華山前。

斗子巖

斗巖山下龍神廟。禱雨常須燕降壇。我來歲歲康年降。轉覺無因宿內壇。

涼風洞

以瓦罌貯水當洞口則液液然滲出物理不可解如此

洞裏如聞鐘磬聲。洞邊風挾雪霜鳴。瓦罌貯水因何滲。難向山靈扣物情。

過南泉嶺至孟村作

義安西北南泉嶺。嶺下流移鄒孟家。聖派賢源肆流行。蒼山碧嶂相還遮。山中積石關巉刻。頗類鳬繹含丹霞。

烟閣樓舍填平谷。曠濶不與桃源差。村人讀書二三子。
導我憩舍烹山茶。繞階細草茁白石。春風曲欄開名花。
已喜州民轄聖裔。更欣足跡來幽遐。干戈未定思避地。
願買茆屋栽桑麻。浙東偏僻少爭戰。古來流寓文人嘉。
南渡至今七百載。名臣孫子紛萌芽。君不見衢州亦有
孔家廟。至今博士森國華。

理書

小摘幽蘭插玉螭。案頭無事理殘書。陳編自檢心情靜。
舊帙重摹手法疏。敢以文章荒政事。奈因簿領失居諸。

蕭齋息慮參閒趣。窗外芭蕉綠又舒。

聞慶兒去腊療逝

三歲爾失恃。夜依祖母眠。十二我遊浙。相思隔雲天。十六失祖母。我歸彌愛憐。十八爲結褵。伉儷開並頭。蓮十九我仍出。送我登江船。宦途不携爾。恐誤爾書編。爾伴幼弟發憤及青年。爾性頗沈敏。詩句多芊綿。有杏花有柳絮多情同堂諸伯仲。嘖嘖讓爾賢。去歲寄書來。愁我鄰烽烟。今年無書到。哭爾隔重泉。爾母乳三男。長兒襁褓捐。次兒今壯逝。信是我命偏。東風吹淚雨。波漲浣溪。

前

柯橋暮感

短笛誰家起夕烟。柯橋人正盪溪船。柁樓晚飯成今事。
亭竹知風憶昔賢。吳越晚雲多倚樹。滄江明月易當天。
風光不改斑毛變。東浙羈棲已十年。

舟中遇雨

南山雲初生。北山雲已雨。西雲不成片。缺借紅霞補。飄
風何處來。吹雨入船戶。水氣生微涼。詩情入秋浦。

迎霜降作

諸暨霜降前日文官出迎載在縣志歲率爲常
獵獵西風吹白旗城頭碧柳變黃絲縣官出城祭六蠶
居民圍觀塞路歧迎秋西郊古有禮厲兵選士公卿使
本朝霜降彰稜威文臣不與武臣耳小隊弓兵擁戟
寒焚香來拜西郊壇三霄青女應大笑笑我何事侵人
官虎皮兜與健夫舉自顧平生味軍旅白鵬騰效鸛鵒
飛無數鴉軍空色沮壯士於今不肯前祇合迂儒折樽
俎君不見自從粵賊擾中華小人退縮化蟲沙多少書
生都作健衝鋒快馬五雲靴

山陰舟中作

白雲在嶺寒光逼天。羣溪蔓絡貫入巨川。茸茸宿麥涵潤敷鮮。村舍三兩開扉水前。聞無人語。惟起炊煙。中流眷顧。一鳥翻然。春聲欲播。知近新年。綠髮蕭散。客行如仙。內澄紛慮。外觀物妍。順風放櫂。舟人安眠。

挽畢小菴太守

名大鈺與

瑤

同里同學又兼姻亞以克復崇陽

軍功選仙居縣從軍甯國晉知府改防婺源力戰陣亡其姪少湘同與難婺源人感其忠紳士

夏弢甫爲立四君祠四君者徐勇師長鑣也其一則余忘之矣

君乘白額馬。我謂不宜軍。勇敢天應妒。淒涼信竟聞。鵲啼湘水月。虎嘯婺山雲。愛姪同時殉。千秋家乘芬。絕地真堪恨。連年喪蓋臣。孤軍當衆寇。一死作完人。江皖開羣鎬。衢嚴接比隣。浙東防更急。當事莫因循。

戊午年

二月紀事

石逆達開犯衢州時宰西安者爲同年李正農

文襄之七世孫也。先是賊未至衢，衢人聞警報，扶鸞以占吉凶。值文襄降鸞云：「賊必至衢，然當爲默佑已。」而正農蒞任，衢終無恙。人相詫以爲文襄効靈云。

狂風震東浙。二月桃花亂。屏藩信江開。鎖鑰仙霞斷。我軍守定山。懷玉防越窟。那知江右賊。詭譎饒勝算。不攻信州城。南繞饒溪岸。銜枚晝夜趨。萬騎浦城貫。得浦遂窺浙。急遽驟難捍。須江奈使君。興國州孝廉練勇鬪精幹。兵民內不和。肘腋起禍患。坐此失城池。右斷衢州腕。

衢州勢巍。我巨鎮。巨雲漢。避劫居仙人。看奕斧柯爛。我朝開國年。耿逆此犯順。桓桓李制軍。風雲排鐵陣。兩浙保完甌。三藩掃餘燼。深謀得地利。豈盡關天運。年來三衢堞。修築更險峻。福將首來援。福將軍名興自江右來皖兵相繼進。張京堂名芾守徽亦分兵相救和帥撥勁旅。和帥撥金陵大營兵至赫赫軍威振。饒鎮雖怯弱。署衢鎮饒梅臣名廷選閩人調和士民信。主客將旣和。么麼膽應震。何況吳越饒。飛挽無乏困。士飽而馬騰。滅此炊朝飯。江燕莫驚飛。海鰈且游物。坐見富春驛。捷書走傳箭。聞有吾同年。現宰西安縣。派出文襄公。世德

歌○遁○駿○遙○遙○二○百○年○此○地○同○兵○難○乃○祖○游○龍○興○乃○孫○附○
驥○奮○前○後○雖○偶○然○始○終○有○天○贊○斬○妖○除○飛○來○吉○識○應○相○
印○

仲○春○送○畢○瀋○齋○親○家○由○暨○入○都○時○逆○氛○已○逼○衢○州○
消○息○衢○防○緊○天○涯○楚○客○驚○干○戈○難○久○住○書○劍○又○長○征○北○
闕○青○雲○近○東○風○紫○叱○輕○苾○蘿○花○色○好○休○忘○越○中○行○
水○驛○瓜○洲○靖○無○須○繞○孟○河○烟○花○娛○客○夢○江○海○定○妖○波○戰○
久○兵○心○壯○時○清○仕○進○多○平○吳○如○有○策○一○爲○掇○巍○科○
知○有○思○兄○淚○看○雲○一○路○垂○鵠○原○須○急○難○蜀○魄○莫○空○悲○報○

國完人往全家賴子持他時博微祿著意撫孤兒兄小

菴太守去年

陣亡於婺源

昔會逢三月今離正暮春。飛花驚聚散。烽火益酸辛。薄
賸慚予色。長途愛子身。安危終有日。不必感風塵。

賊逼永康書事

倉猝束行李。呼舟不得舟。瘴雲滄海湧。急浪浣江流。桃
嶺人誰守。蘿山客自愁。臨行囑兒女。此去向蘇州。
守土復何說。無家累且輕。高朋倏已散。老僕請同行。野
渡愁雲接。山城夜雨鳴。榴花開早蕊。照我淚痕明。

前歲常山宰烽隣廣信烟干戈猶昨日遷徙又今年土
寇乘機嘯銅丸鎮夜懸疲兵三兩個露宿破城眠
深懼金華震紛紛避亂多漁燈疑炬火殘丐訝么麼酒
長荒村價雲翻古洞窩可憐桑正綠餒殺幾蠶蛾

聞處郡失守誌慨

狂飈來不測吹動枯蒼烟。瞞瞞恆太守守枯二十年坐
盲無事福白髮酣春眠。鄭君得瓜代玉蟾纔一圓春雨
洗城倒身敗名遂鐫前守非避就桑榆歸志堅。後守奉
文檄常防正烽烟。臨歧送行客錢江排歌筵。舉盞賀得

地○此○行○如○登○仙○誰○知○蟻○垤○蹟○齒○折○脣○反○全○衝○途○危○轉○固○
僻○境○安○忽○顛○禍○福○那○可○料○仰○首○問○蒼○天○

八月衢處解嚴浙境肅清詩以誌之

猖○獗○勢○與○春○風○來○飄○瞥○竟○逐○秋○風○去○鏖○戰○無○多○士○卒○完○
惟○有○飛○芻○竭○財○賦○北○漕○截○留○十○九○萬○倉○儲○殫○盡○鳥○鼠○除○
一○朝○捷○報○官○僚○喜○青○雲○共○望○驂○駟○附○此○時○波○瀾○彌○乾○坤○
勞○爵○那○能○吝○酒○尊○所○惜○封○疆○分○畛○域○不○將○清○豁○答○君○
恩○東○鄰○捷○奏○朝○投○閣○西○土○邊○封○夕○刺○閭○將○相○有○權○聊○復○
爾○末○僚○希○寵○又○何○論○躊○躇○四○海○爲○家○念○獨○對○桂○花○秋○掩○

門

慨事

兵驕不可戰。民驕乃過之。愚民安太平。小費客刀錐。迂
民誤詩書。動談王者師。霜露生疾疫。鋒鏑起瘡痍。千里
事行役。耶娘相別離。苦衷向誰訴。跣跑多魁奇。小節相
訶責。徒令壯士悲。

取笠覆甲斬古帝。權術耳藉此收民心。豈堪律壯士。勝
朝王威甯戰士。挾歌妓不問挾歌妓。但問何勇技。無勇
空守法。無法不敢死。糜餉與擾民。幾時摧敵壘。

諸暨縣湖種柳

桐廬廳事前曾種蠟梅樹。逾年過訪之。已被後人鋸。常
山卧閣雙桂枝。澆泉刺蠹秋風知。今年却又被兵燹。香
風能否如當時。甘棠不伐古時有。桃李河陽今在否。種
花人少看花多。玩花時淺澆花久。世事榮枯那可期。黃
鸝勸爾一杯酒。後來培植知爲誰。多情仍種浣溪柳。

幕中詠

書記

朝題桃箋紅。夜署瓊函翠。借問阮元瑜。家書寄也未。

知賓

華堂一面緣肝膽。強相白含笑。通姓名。兩人俱是客。

金穀

倉庫貯自空。薄書數自掌。風吹蓮幕開。錯落算珠響。

刑名

叔世尚姑容。而余重猛忍。殺人救世心。良朋肯不肯。

觀潮有感

江雲變色江風起。舟人呼咤潮來矣。一條白龍天際翔。萬丈雪山面前峙。江岸閑人縱壯觀。江中波浪愁游子。

金○戈○鐵○馬○霎○時○間○人○海○風○濤○亦○如○此○

對月有感

團○團○明○月○鑄○金○甌○千○秋○萬○歲○素○波○流○那○知○浮○雲○攪○亂○山○
河○影○使○我○珠○宮○玉○宇○無○清○秋○初○傷○桂○樹○林○漸○失○銀○漢○色○
仙○人○斧○柄○空○自○持○八○萬○四○千○之○戶○修○不○得○差○我○廣○寒○宮○
變○爲○荆○棘○場○吳○剛○與○結○璘○何○事○東○手○無○彈○章○我○欲○乘○風○
問○嫦○娥○天○路○修○竊○愁○實○多○夜○深○搔○首○向○碧○落○橫○倚○長○劍○
發○浩○歌○